



In sabeda ai 20 de Agost él gnü sughé la 1° partida dla Copa Provinzia 2011/2012 de 3° categoria por La Val. La partida é gnüda sugada cuntra le Olang fora de cíasa. La squadra da Olang é gnüda metüda sö indô in chësc ann nòia, dô da 4 agn che ara ne ê nia plü. Al é na scudra dër jöna (le plü vedl sogadú da in sabda) é nasciü dl 1986.

Mo ince sce ai ê tan jogn essi stá bugn da fá na bela partida. **La partida é jüda fora 2 a 2**, zënzater en bun resultat por La Val cun dui goi fora de cíasa.

In sabda él stè le gran cíalt che á dé dant i ritmi dl jüch. Ala squadra da La Val ti mancial deplü sogadusc por vari motivi y porchël ne essi nia stá bugn da fá na bela partida. Ince sce Olang se stlujî scialdi ma ia dedô essi stá bugn da fá dui goi. Tl prüm tēmp é La Val che se prejentèi deplü iadi cuntra le portier mo i atacanc Verginer Franzi y Alex Elzenbaumer ne é nia bugn da mëter le pal te porta. Nagler Max rōia ince dasú cuntra le portier, mo le tiro rōia de püch sura traversa fora.

Le gol ti garetá spo impó a La Val, sön en calcio d'angolo resta le pal te area. Franzi fesc naota en tiro che vëgn paré dal portier, sön la ribatuta el spo Sottara Freddy che rōia sön le pal y so tiro rōia bel avisa sot les giames den difensura y spo te porta. Tl secundo tēmp ti vëgnel spo scinché en rigore a Olang. Le portier da La Val Sepl Kantioler fesc na bela uscita cuntra le atacant che gnê cun le pal cuntra porta. Al ne azica gnanca le avversar, mo le atacant da Olang é bun da freghé le arbirer cun na bela "Schwolbe". Insciö ti fischel le rigore y Olang rōia al pareggio. Püch dedô él Olang che fesc na bela puniziun depüch fora d area che rōia dlungia le palo ite y fesc insciö le 2 a 1.

Ala 80° ti garetel cíamó a La Val le pareggio, en bel cross dl nü sogadú Moling David rōia te area, Romeo Rubatscher é insciö bun da fa le 2 a 2 de testa/spiné.

La partida ne é zigü nia stada cis bela, suradüt ciaran la prestaziun. Mo i dui goi fora de ciasa ti dá en gran vantaje por le ritorno ai 27 de Agost in ciasa. **Recordun che in sabda él ince la bela festa di 40 agn dl U.S. La Val, ulache al gnará sughé a mesa ite le ritorno de Copa cuntra Olang.**

La foramziun titolara: Sepl Kantioler, Tavella Thomas, Ploner Werner, Tavella Jordan, Sottara Werner, Nagler Max, Tschaffert Ivan, Sottara Freddy, Rubatscher Romeo, Verginer Franzì y Elzenbaumer Alex

Banchina: Frenes Egon, Miribung Adrian, Moling David, Frenes Michael, Tolpeit Daniel, (Rubatscher Klaus y Scalzini Marco)

Sostituziuns:

Al 46° Tolpeit Daniel por Sottara Werner

Al 70° Moling David por Sottara Freddy

Al 80° Miribung Adrian por Verginer Franzì